

tionibus vnd gefehrlichen subtiliteten hie vnuerworren bleiben/das jenige allein ins mittel bringen/das dem Wort Gottes vnd der einsetzung Christi gemess / vnd den einfeltigen zu notwendigem vnterricht dienstlich sey. Wollen aber vmb mehrer richtigkeit willen von nachfolgenden Pünctlein handeln :

Locū

Erstlich von etlichen vmbstenden sagen/der die Euangelisten nicht ohn vrsach gedencen / Als / wer der Stifter sey dieses Sacraments/wenn vnd wem zu guten/vnd wie ers hab eingeseht / vnd worauff ers gegründet.

I.

Zum andern hören / was wir eigentlich im Abendmal essen vnd trincken.

II.

Zum dritten/wie man damit vmbgehen / oder / wie man es gebrauchen sol.

III.

Zum vierdten/was man für reichen nutz dauon habe.

IV.

Zum fünfften / wie man sich darzu bereiten vnd schicken sol.

V.

Zum sechsten/wie sich die Gäste nach'empfangenem Abendmal gegen dem Wirt sollen danckbar erzeigen.

VI.

Hilff HErr Christe / daß wir von diesem grossen geheimnis das jenige mögen gedencen/gleuben vnd reden/ daß dir gefeltig vnd vns selig sey/ HErr heilige vns in deiner warheit/ dein Wort ist die warheit.

Ambrosius.

Iohan. 17.

Vom ersten Stück.

So laß vns nun fürs erst hören / mit was vmbstenden die heiligen Euanzelisten die einsetzung des hochwirdigen Abendmals beschreiben. Vor allen dingen gedencen sie des Stiffers/damit dem handel desto mehr ansehens gemacht werde. Nicht der Römische Keyser/ nicht der hohe Priester zu Jerusalem/nicht der vnechtige / vnberufene/vngeweihte Vicarius vnd Stadthalter Christi zu Rom; Sondern

I.

Circumstantia.

Autor.

E

Sondern